



OPĆINA KAKANJ

Općinski načelnik

MUNICIPALITY OF KAKANJ

Municipality Mayor

Broj: 02/1- 2162/19

Datum: 21.03. 2019. godine

Na osnovu člana 21. tačka d), člana 42., člana 70. stav 3. Zakona o javnim nabavkama BiH („Službeni glasnik BiH“, broj: 39/14), Naredbe Općinskog načelnika o proglašenju stanja prirodne nesreće na cjelokupnom području općina Kakanj uslijed poplava i klizanja zemljišta uzrokovanih obilnim padavinama i topljenjem snijega, broj: 02/1-821/19 od 03.02.2019. godine, na prijedlog Komisije za javne nabavke utvrđenog u Zapisniku, broj: 08/1-14-959-5/19 od 18.03.2019. godine, Općinski načelnik kao Ugovorni organ, donosi

ODLUKU

**o dodjeli ugovora putem pregovaračkog postupka
bez objave obavještenja o nabavci**

Član 1.

Prihvata se preporuka Komisije za nabavke, te se ugovor za nabavku radova na sanaciji šteta uslijed poplava i klizanja zemljišta uzrokovanih obilnim padavinama i topljenjem snijega na području općine Kakanj, dodjeljuje ponuđačima koji su dostavili svoje konačne ponude:

1. za Lot 1 - ponuđaču Trgošped d.o.o. Kakanj, za ponuđenu cijenu od 20.031,00 KM bez PDV-a,
2. za Lot 2 - ponuđaču Begeđ d.o.o. Kakanj, za ponuđenu cijenu od 14.310,00 KM bez PDV-a,
3. za Lot 3 - ponuđaču JP Vodokom d.o.o. Kakanj, za ponuđenu cijenu od 4.115,90 KM bez PDV-a.

Član 2.

Po pravosnažnosti ove odluke, ugovorni organ će pozvati izabrane ponuđače radi zaključenja ugovora kojim će se regulisati međusobna prava i obaveze vezane za predmetnu nabavku, shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 3.

Ova odluka stupa na snagu danom donošenja.

Obrazloženje

Naredbom Općinskog načelnika o proglašenju stanja prirodne nesreće na cjelokupnom području općina Kakanj uslijed poplava i klizanja zemljišta uzrokovanih obilnim padavinama i topljenjem snijega, broj: 02/1-821/19 od 03.02.2019. godine, pokrenut je postupak izvođenja radova putem pregovaračkog postupka bez objave obavještenja, koji su iz razloga krajnje hitnosti, prouzrokovani događajima nepredviđenim za Ugovorni organ, postali neophodni za saniranje šteta na području općine Kakanj.

Dana 03.02.2019. godine uslijed izlivanja vode iz korita rijeka i potoka, te bujica, utvrđena je pojava klizišta, odrona, presjecanja i oštećenja putnih komunikacija prema naseljima u mjesnim zajednicama Brnjic, Dubovo Brdo, Starposle i Krševac (iz svih pravaca), prekida putne komunikacije prema naseljima Subotinje, Donji Lučani, Javor, Gornja Papratnica i dr.

Odmah po saznanju sazvan je Općinski štab civilne zaštite Kakanj, dat je prijedlog Općinskom načelniku za donošenje Odluke o proglašenju stanja prirodne nesreće na cjelokupnom području općine Kakanj uslijed poplava i klizanja zemljišta uzrokovanih obilnim padavinama i topljenjem snijega. Utvrđeno je detaljno snimanje klizišta na navedenim lokacijama, doneseni su zaključci o poduzimanju hitnih mjera u zonama klizišta, te poduzete neophodne radnje u daljnjem postupanju.

Uslijed porasta nivoa voda u koritima rijeka i potoka, nastanka bujica, Općinski štab civilne zaštite Kakanj donosi naredbu o angažovanju Službi zaštite i spašavanja, Jedinica opće namjene, radnih mašina i mehanizacije privrednih subjekata sa područja općine Kakanj, u cilju obezbjeđenja prohodnosti putnih

komunikacija na područjima ugroženim poplavama, vodenim bujicama, klizištima i odronima kao i obavljanje svih drugih naloženih aktivnosti u funkciji zaštite i spašavanja ljudi i materijalnih dobara. Naredbom Općinskog štaba civilne zaštite Kakanj, broj: 0-04/1-08/19 od 03.02.2019. godine, angažovana je firma Trgošped d.o.o. Kakanj, Naredbom Općinskog štaba civilne zaštite Kakanj, broj: 0-04/1-10/19 od 03.02.2019. godine, angažovana je firma Beged d.o.o. Kakanj i Naredbom Općinskog štaba civilne zaštite Kakanj, broj: 0-04/1-10-1/19 od 03.02.2019. godine, angažovana je službe za čistoću, vodosnabdijevanje i asanaciju terena formirane pri JP Vodokom d.o.o. Kakanj, sa radnim mašinama i mehanizacijom u osiguravanju prohodnosti putnih komunikacija na područjima ugroženim poplavama, vodenim bujicama, klizištima i odronima kao i obavljanje svih drugih naloženih aktivnosti u funkciji zaštite i spašavanja ljudi i materijalnih dobara.

U vezi s navedenim, Ugovorni organ donosi Odluku o pokretanju postupka nabavke putem prgovaračkog postupka bez objave obavještenja, broj: 02/1-1587/19 od 05.03.2019. godine.

Procijenjena vrijednost javne nabavke iznosi 55.000,00 KM bez PDV-a.

Rješenjem Općinskog načelnika, broj: 02/1-974/19 od 08.02.2019. godine, imenovana je Komisija za provođenje pregovaračkog postupka nabavke bez objave obavještenja o nabavci.

Iz napred navedenih razloga predmet nabavke je podijeljen na lotove: Lot 1 – sanacija šteta na širem području općine Kakanj, Lot 2 - sanacija šteta na širem području općine Kakanj, Lot 3 – radovi na čišćenju na širem području općine Kakanj.

Upućen je Poziv za učešće u pregovaračkom postupku firmi Trgošped d.o.o. Kakanj, Beged d.o.o. Kakanj i JP Vodokom d.o.o. Kakanj.

Nakon što je Komisija utvrdila da su kandidati kvalifikovani sa istim je izvršeno pregovaranje u pogledu ponuđene cijene.

U toku postupka javne nabavke Ponuđači su dostavili konačnu ponudu. Nakon ocjene pristiglih ponuda, po utvrđenim kriterijima, Komisija jednoglasno donosi odluku o prihvatanju ponuda:

- za Lot 1 – sanacija šteta na širem području općine Kakanj, ponuđača Trgošped d.o.o. Kakanj,
- za Lot 2 - sanacija šteta na širem području općine Kakanj, ponuđača Beged d.o.o. Kakanj i
- za Lot 3 - radovi na čišćenju na širem području općine Kakanj, ponuđača JP Vodokom d.o.o. Kakanj, što je konstatovano u Zapisniku o ocjeni konačne ponude.

Imajući u vidu naprijed navedeno, Komisija daje prijedlog Ugovornom organu da se predmetni ugovor dodijeli ponuđačima kako je navedeno u dispozitivu ove odluke.

PRAVNA POUKA:

Žalba se izjavljuje najkasnije u roku od 3 dana od dana prijema iste. Žalba se izjavljuje ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjeraka.

DOSTAVITI:

- Trgošped d.o.o. Kakanj,
- Beged d.o.o. Kakanj ,
- JP Vodokom d.o.o. Kakanj,
- Službena web stranica Općine Kakanj,
- U spis,
- a/a.


OPĆINSKI NAČELNIK
Aldin Šljivo